

Predmet, broj, imena i činovi osuđenih za zločine u Srebrenici u julu 1995. godine	Opis slučaja i link na presude
<p>I “POLJOPRIVREDNO DOBRO U PILICI” Dražen Erdemović (IT-96-22)</p> <p>1. Dražen Erdemović, vojnik 10. diverzantskog odreda Vojske republike Srpske (VRS)</p>	<p>https://www.icty.org/x/cases/erdemovic/tjug/bcs/erd-tj980305b.pdf</p> <p>Pretresno vijeće je 5.marta 1998. godine, u ponovljenom postupku, donijelo presudu na osnovu priznanja kojom je Dražen Erdemović pravosnažno osuđen na 5 godina zatvora zbog ubistva kao kršenja zakona i običaja ratovanja. Dana 13. avgusta 1999. godine odobreno mu je prijevremeno puštanje na slobodu.</p>
<p>II Radislav Krstić (IT-98-33)</p> <p>2. Radislav Krstić, načelnik štaba/zamjenik komandanta i komandant Drinskog korpusa VRS</p>	<p>https://www.icty.org/x/cases/krstic/acjug/bcs/krs-aj040419b.pdf</p> <p>Radislav Krstić je prva osoba koju je MKSJ osudio za genocid. Žalbeno vijeće je 19. aprila 2004. godine donijelo presudu kojom je Krstić pravosnažno osuđen na 35 godina zatvora za pomaganje i podržavanje genocida, pomaganje i podržavanje u istrebljivanju i progonu kao zločinima protiv čovječnosti, pomaganje i podržavanje ubistva kao kršenja zakona i običaja ratovanja, učešće u ubistvu kao kršenju zakona i običaja ratovanja i progonu. Trenutno izdržava kaznu u Poljskoj, a dvije trećine kazne će izdržati 28. marta 2022. godine kada bi mogao podnijeti zahtjev za prijevremeno puštanje na slobodu.</p>
<p>III “SREBRENICA” Dragan Obrenović (IT-02-60/2)</p> <p>3. Dragan Obrenović, načelnik štaba i zamjenik komandanta 1. Zvorničke pješadijske brigade Drinskog korpusa VRS i vršilac dužnosti komandanta Zvorničke pešadijske brigade VRS</p>	<p>https://www.icty.org/x/cases/obrenovic/tjug/bcs/obr-sj031210b.pdf</p> <p>Pretresno vijeće je 10. decembra 2003. godine donijelo presudu na osnovu priznanja kojom je Dragan Obrenović pravosnažno osuđen na 17 godina zatvora za progon na političkoj, rasnoj ili vjerskoj osnovi kao zločina protiv čovječnosti. Dana 21. septembra 2011. godine mu je odobreno prijevremeno puštanje na slobodu.</p>
<p>IV “SREBRENICA” Momir Nikolić (IT-02-60/1)</p> <p>4. Momir Nikolić, pomoćnik komandanta za bezbjednost i obavještajne poslove Bratunačke brigade VRS</p>	<p>https://www.icty.org/x/cases/nikolic/acjug/bcs/060308.pdf</p> <p>Žalbeno vijeće je 8. marta 2006. godine donijelo presudu na osnovu priznanja kojom je Momir Nikolić pravosnažno osuđen na 20 godina zatvora za progon na političkoj, rasnoj ili vjerskoj osnovi kao zločina protiv čovječnosti. Dana 1. jula 2014. godine odobreno mu je prijevremeno puštanje na slobodu iz zatvora u Finskoj.</p>
<p>V Blagojević i Jokić (IT-02-60)</p> <p>5. Vidoje Blagojević, komandant</p>	<p>https://www.icty.org/x/cases/blagojevic_jokic/acjug/bcs/070509.pdf</p> <p>Žalbeno vijeće je 9. maja 2007. godine donijelo presudu kojom je</p>

<p>Bratunačke brigade VRS</p> <p>6. Dragan Jokić, načelnik inženjerije Zvorničke brigade VRS</p>	<p>Vidoje Blagojević pravosnažno osuđen na 15 godina zatvora za pomaganje i podržavanje ubistva kao zločina protiv čovječnosti, ubistva kao kršenja zakona i običaja ratovanja, progona kao zločina protiv čovječnosti i nehumanih djela (prisilno premještanje) kao zločina protiv čovječnosti. Istom presudom je Dragan Jokić pravosnažno osuđen na 9 godina zatvora za pomaganje i podržavanje istrebljivanja kao zločina protiv čovječnosti, ubistva kao kršenja zakona i običaja ratovanja i progona kao zločina protiv čovječnosti. Dana 22. decembra 2012. godine Vidoju Blagojeviću je odobreno prijevremeno puštanje na slobodu iz zatvora u Norveškoj, a sredinom februara 2010. godine prijevremeno puštanje na slobodu je odobreno i Draganu Jokiću.</p>
<p>VI "SREBRENICA" Popović i drugi (IT-05-88)</p> <p>7. Vujadin Popović, potpukovnik i pomoćnik načelnika za bezbjednost u Drinskom korpusu VRS;</p> <p>8. Ljubiša Beara, načelnik za bezbjednost glavnog štaba VRS;</p> <p>9. Drago Nikolić, potporučnik i načelnik bezbjednosti u Zvorničkoj brigadi VRS;</p> <p>10. Radivoje Miletić, načelnik Odjeljenja za operativno-nastavne poslove Glavnog štaba VRS;</p> <p>11. Vinko Pandurević, potpukovnik i komandant Zvorničke brigade Drinskog korpusa VRS;</p> <p>12. Ljubomir Borovčanin, zamjenik komandanta specijalne brigade policije Ministarstva unutrašnjih poslova (MUP) Republike Srpske i komandant združenih snaga jedinica MUP-a podređenih Drinskom korpusu VRS-a za učešće u srebreničkoj operaciji;</p> <p>13. Milan Gvero, pomoćnik komandanta za moral, pravna i vjerska pitanja Glavnog štaba VRS-a</p>	<p>https://www.icty.org/x/cases/popovic/acjug/bcs/150130.pdf</p> <p>Žalbeno vijeće je 30. januara 2015. godine donijelo presudu kojom je Vujadin Popović pravosnažno osuđen na doživotnu kaznu zatvora za genocid, udruživanje radi vršenja genocida, istrebljivanje kao zločina protiv čovječnosti, ubistvo kao kršenje zakona i običaja ratovanja i progon kao zločina protiv čovječnosti, Ljubiša Beara na doživotnu kaznu zatvora za genocid, udruživanje radi vršenja genocida, istrebljivanje kao zločin protiv čovječnosti, ubistvo kao kršenje zakona i običaja ratovanja i progon kao zločin protiv čovječnosti, Drago Nikolić na 35 godina zatvora za pomaganje i podržavanje genocida, za istrebljivanje kao zločin protiv čovječnosti, ubistvo kao kršenje zakona i običaja ratovanja i progon kao zločin protiv čovječnosti, Radivoje Miletić na 18 godina zatvora za ubistvo kao zločin protiv čovječnosti, progon kao zločin protiv čovječnosti, nehumana djela (prisilno premještanje) kao zločin protiv čovječnosti i ubistvo kao kršenje zakona i običaja ratovanja, Vinko Pandurević na 13 godina zatvora za pomaganje i podržavanje istrebljivanja kao zločina protiv čovječnosti, ubistva kao kršenja zakona ili običaja ratovanja i progona putem ubistva kao zločina protiv čovječnosti, progona kao zločina protiv čovječnosti, nehumanih djela (prisilno premještanje) i ubistva kao zločina protiv čovječnosti, za progon putem okrutnog i nečovječnog postupanja kao zločin protiv čovječnosti i progon putem ubistva kao zločina protiv čovječnosti, za istrebljivanje kao zločin protiv čovječnosti i ubistvo kao kršenje zakona i običaja ratovanja.</p> <p>Ljubomir Borovčanin je pravosnažno osuđen na 17 godina zatvora presudom Pretresnog vijeća 10. juna 2010. godine, na koju nije uložena žalba, i to za pomaganje i podržavanje istrebljivanja kao zločina protiv čovječnosti, ubistva kao kršenja zakona i običaja ratovanja i nehumanih djela (prisilno premještanje) kao zločina protiv čovječnosti i kao nadređeni za ubistvo kao kršenje zakona i običaja ratovanja i ubistvo kao zločin protiv čovječnosti. Takođe, istom presudom Pretresnog vijeća Milan Gvero je pravosnažno osuđen na 5 godina zatvora za progon kao zločin protiv čovječnosti i za nehumana djela (prisilno premještanje) kao zločin protiv čovječnosti.</p>

	<p>Vujadin Popović trenutno izdržava kaznu u Njemačkoj, a 31. decembra 2020. godine je Međunarodni mehanizam za krivične sudove odbio njegov zahtjev za prijevremeno puštanje na slobodu. Radivoje Miletić trenutno izdržava kaznu u Finskoj, a u oktobru 2018.godine sud je odbio njegov zahtjev za prijevremeno puštanje na slobodu.</p> <p>Ljubiša Beara je preminuo 10. februara 2017. godine u zatvoru u Njemačkoj, Drago Nikolić je preminuo 11. oktobra 2015. godine tokom privremenog boravka na slobodi u Srbiji a Milan Gvero 17. februara 2013. godine, nakon što mu je odobreno prijevremeno puštanje na slobodu 28. juna 2010. godine.</p> <p>Vinku Pandureviću je odobreno prijevremeno puštanje na slobodu 9. aprila 2015. godine a Ljubomiru Borovčaninu 14. jula 2016. godine.</p>
<p><u>VII Zdravko Tolimir (IT-05-88/2)</u></p> <p>14. Zdravko Tolimir, pomoćnik komandanta za obavještajno-bezbjedonosne poslove Glavnog štaba VRS</p>	<p>https://www.icty.org/x/cases/tolimir/acjug/bcs/150408.pdf</p> <p>Žalbeno vijeće je 8. aprila 2015. godine donijelo presudu kojom je Zdravko Tolimir pravosnažno osuđen na doživotnu kaznu zatvora za genocid, udruživanje radi vršenja genocida, istrebljivanje kao zločin protiv čovječnosti, ubistvo kao kršenje zakona i običaja ratovanja, progon kao zločin protiv čovječnosti i nehumana djela (prisilno premještanje) kao zločin protiv čovječnosti.</p> <p>Tolimir je preminuo 8. februara 2016. godine dok je čekao prebacivanje u državu u kojoj je trebalo da izdrži kaznu zatvora.</p>
<p><u>VIII Radovan Karadžić (IT-95-5/18) i MICT-13-55</u></p> <p>15. Radovan Karadžić, osnivač i predsjednik Srpske demokratske stranke (SDS), predsjedavajući Savjeta za nacionalnu bezbjednost takozvane Srpske Republike Bosne i Hercegovine (kasnije Republike Srpske "RS"); predsjednik tročlanog Predsjedništva RS-a i konačno predsjednik Republike Srpske</p>	<p>Žalbeno vijeće je 20. marta 2019. godine, u ponovljenom postupku po žalbi, donijelo presudu kojom je Radovan Karadžić pravosnažno osuđen na doživotnu kaznu zatvora za genocid, progon kao zločin protiv čovječnosti, istrebljivanje kao zločin protiv čovječnosti, ubistvo kao zločin protiv čovječnosti, ubistvo kao kršenja zakona i običaja ratovanja, deportaciju kao zločin protiv čovječnosti, nehumana djela (prisilno premještanje) kao zločin protiv čovječnosti, širenje terora kao kršenje zakona, protivpravne napade na civile kao kršenje zakona i običaja ratovanje i uzimanje talaca kao kršenje zakona i običaja ratovanja.</p> <p>Trenutno se nalazi u pritvorskoj jedinici u Hagu u kojoj će ostati do premještanja u zatvor neke od zemalja članica UN koje su potpisale sporazum o izdržavanju kazne sa Haškim tribunalom.</p>
<p><u>IX Ratko Mladić (IT-09-92) i (MICT-13-56)</u></p> <p>16. Ratko Mladić^{*1}, general-pukovnik, komandant Glavnog štaba VRS</p>	<p>https://www.icty.org/x/cases/mladic/tjug/bcs/171122-sazetak-presude-bcs.pdf - napomena, nepravosnažna presuda Pretresnog vijeća Haškog tribunala</p> <p>Pretresno vijeće je 22. novembra 2017. godine donijelo prvostepenu presudu kojom je Ratko Mladić osuđen na doživotnu kaznu zatvora za</p>

¹ Osuđen za genocid presudom Pretresnog vijeća, žalbeni postupak u toku.

	<p>genocid, progon kao zločin protiv čovječnosti, istrebljivanje kao zločin protiv čovječnosti, ubistvo kao zločin protiv čovječnosti, ubistvo kao kršenje zakona i običaja ratovanja, deportaciju kao zločin protiv čovječnosti, nehumano djelo (prisilno premještanje) kao zločin protiv čovječnosti, širenje terora kao kršenje zakona i običaja ratovanja, protivpravne napade na civile kao kršenja zakona i običaja ratovanja i uzimanje talaca kao kršenje zakona i običaja ratovanja. U toku je postupak po žalbi.</p>
--	---